

Na osnovu člana 27. stav 1. alineja 6. i 37. i stav 2. Uredbe sa zakonskom snagom o ustanovama ("Službeni list RBiH", br. 6/92, 8/93 i 13/94), člana 118. Zakona o radu („Službene novine Federacije BiH“, br. 26/16, 89/18, 44/22 i 39/24), Zakona o muzejskoj djelatnosti Kantona Sarajevo („Službene novine Kantona Sarajevo“, br. 13/17), Zakon o zaštiti na radu („Službene novine FBiH“ br. 79/20), član 74. i 75. Pravila Javne ustanove „Gradski Muzeji“ Sarajevo broj: 01-04-398/24 od 15.10.2026, člana 10. Odluke o osnivanju Javne ustanove „Muzej savremene umjetnosti ARS AEVI Sarajevo“ („Sl. novine Kantona Sarajevo“, broj 49/17, 19/20 i 5/22), Upravni odbor Javne ustanove „Gradski muzeji“ Sarajevo na 2. sjednici održanoj dana 19.08.2026. godine, donio je:

PRAVILNIK

O IZMJENI PRAVILNIKA O UNUTRAŠNJOJ ORGANIZACIJI I SISTEMATIZACIJI RADNIH MJESTA U JAVNOJ USTANOVI „GRADSKI MUZEJI“ SARAJEVO

Član 1.

U Pravilniku o unutrašnjoj organizaciji i sistematizaciji radnih mjesta u Javnoj ustanovi „Gradski muzeji“ Sarajevo, broj: 01/03-02.1-129/26 od 30.04.2026. godine (u daljem tekstu: Pravilnik), u PRILOGU 1. - Naziv radnog mjesta: DIREKTOR, mijenja se i glasi:

PRILOG 1

Naziv radnog mjesta: Direktor

Predviđen broj izvršilaca	1
Stručna sprema	VSS, VII stepen društvenog smjera ili završen drugi ili treći ciklus Bolonjskog sistema studiranja iz oblasti kojom se Muzej bavi: historija, historija umjetnosti, arheologija, etnologija, orijentalistika i druga zanimanja u vezi muzejske djelatnosti i zaštite kulturno-historijskog naslijeđa a koji se vrednuje sa najmanje 240 ECTS, te da je istaknuti je stručnjak u muzejskoj djelatnosti, naučni i kulturni radnik
Radno iskustvo	5 godina na poslovima iz oblasti kojom se Muzej bavi
Drugi poželjni uslovi	Aktivno poznavanje engleskog jezika (govorno i pisano), poželjno poznavanje još jednog stranog jezika; poznavanje rada na računaru
Koeficijent:	4,7

Član 2.


U ostalom dijelu Pravilnik ostaje neizmjenjen.

Član 3.

Ovaj Pravilnik stupa na snagu danom dobijanja saglasnosti gradonačelnika Grada Sarajeva i bit će objavljen na oglasnoj ploči i web stranici Muzeja.

Broj: 01/03-02.1-228/26
Sarajevo, 19.08.2026. godine

PREDSJEDNICA UPRAVNOG ODBORA




SAGLASAN

GRADONAČELNIK

Samir Avdić

Broj: 01-02-4825/26
Sarajevo, 20.08.2026



Obrazloženje

PRAVNI OSNOV

Pravni osnov za donošenje Pravilnika o izmjeni Pravilnika o unutrašnjoj organizaciji i sistematizaciji radnih mjesta u Javnoj ustanovi „Gradski muzeji“ Sarajevo, sadržan je u preambuli predloženog materijala.

RAZLOZI ZA DONOŠENJE

Na sjednici Upravnog odbora održanoj dana 10.08.2026. godine u vezi sa razmatranjem tačke dnevnog reda sjednice – Informacija u vezi s raspisivanjem javnog konkursa za imenovanje direktora Javne ustanove „Gradski muzeji“ Sarajevo, Upravni odbor je donio Zaključak broj: 01/03-02.1-224-4/26 od 11.08.2026. godine, kojim je, između ostalog, utvrđeno da su utvđene nedosljednosti u primjeni zakona i propisa navedenih u preambuli Pravilnika o unutrašnjoj organizaciji i sistematizaciji radnih mjesta iz 2026. godine, prije svega Zakona o muzejskoj djelatnosti Kantona Sarajevo ("Službene novine Kantona Sarajevo", broj 13/17) i Uredbe sa zakonskom snagom o ustanovama Republike Bosne i Hercegovine ("Službeni list RBiH", broj 6/92, 8/93 i 13/94), te je s tim u vezi zatraženo izjašnjenje stručnog obrađivača predmetnog Pravilnika.

Izjašnjenje stručnog obrađivača materijala do danas nije zaprimljeno.

Slijedom navedenog, a naročito obzirom na činjenicu da je obaveza Upravnog odbora JU „Gradski muzeji“ Sarajevo raspisivanje Javnog konkursa za imenovanje direktora iz razloga što mandat aktuelne direktorice ističe dana 15.09.2026. godine, te da je Upravni odbor dužan postupati shodno zakonu i na zakonu zasnovanim propisima, to se javila potreba da se kao prethodno pitanje riješi pitanje međusobne usklađenosti općih akata Muzeja sa aktima veće pravne snage, a sve u odnosu na radno mjesto – direktor.

U konkretnom slučaju radi se o usklađenosti Pravilnika o unutrašnjoj organizaciji i sistematizaciji radnih mjesta u Javnoj ustanovi „Gradski muzeji“ Sarajevo prije svega sa Zakonom o muzejskoj djelatnosti, a potom Uredbom sa zakonskom snagom o ustanovama i Pravilima Javne ustanove „Gradski muzeji“ Sarajevo, u pogledu naprijed navedene pozicije.

Namjera Upravnog odbora je isključiva, a to je postojanje međusobne usklađenosti naprijed citiranih akata, a što je i razlogom sačinjavanja predmetnih izmjena Pravilnika i na taj način stvaranja uslova za raspisivanje Javnog konkursa za imenovanje direktora ove javne ustanove koji će u potpunosti biti zasnovan na zakonu i sa zakonom usklađenim propisima.

Predložene izmjene su u cjelosti usklađene sa navedenim propisima.

FINANSIJSKA SREDSTVA

Za realizaciju predloženog akta nisu potrebna finansijska sredstva.